

UGOVORNE STRANE

KJKP "RAD" d.o.o. Sarajevo, Paromlinska 57 (u daljem tekstu: "Kupac"), koga zastupa v.d. direktor Vera Arnautović, dipl. pravnik

Broj rješenja: UF/I-889/01
Porezni broj: 01700105
Identifikacioni PDV broj: 200316890001
Transakcijski račun broj: 338-900-2208077649
UniCredit banka d.d. Sarajevo

i

"AUTOELEKTRA" d.o.o. Sarajevo, Patriotske lige 10 (u daljem tekstu: "Prodavac"), koga zastupa direktor Sarajlić Dalila

Broj rješenja: UF/I-1829/99
Identifikacioni PDV broj: 200234140004
Transakcijski račun broj: 160-200-5500004-104
Vakufska banka dd Sarajevo

zaključili su

U G O V O R o nabavci rezervnih dijelova za Mercedes Benz

PREDMET UGOVORA

Član 1.

Predmet ovog Ugovora je nabavka rezervnih dijelova za Mercedes Benz, prema ponudi broj 6013-01-VI/19 od 13.06.2019. godine, prema Odluci o rezultatima okončanog postupka javne nabavke 05-03-04-13353/19 od 22.07.2019. godine i prema Okvirnom sporazumu od dana 11.11.2019. godine

Član 2.

Kupoprodaja robe iz prethodnog člana vršit će se pojedinačnim narudžbenicama. Porudžbenica treba da sadrži asortiman, količinu, klasu, rokove isporuke, puni naziv i adresu sjedišta, identifikacioni broj, sjedište institucije i broj upisa u registar, naziv banke i broj računa.

CIJENA

Član 3.

Cijene rezervnih dijelova su fiksne i nepromjenljive. Fakturisanje robe vrši se po važećem cjenovniku Prodavca iskazanom u specifikaciji ponude koja čini sastavni dio Ugovora. Očekivana godišnja vrijednost (za 2019./2020. godinu) iznosi 300.000,00 KM bez uračunatog PDV-a. Na jedinične cijene je dat popust u iznosu od 19,41%, u skladu sa Izveštajem o toku i završetku E-Aukcije.

Kupac se ne obvezuje na nabavku utvrđenih količina u cjelosti. Stvarna realizacija zavisi od potreba ugovornog organa i raspoloživih finansijskih sredstava.

GARANCIJE

Član 4.

Prodavac je obavezan dostaviti garnaciju za dobro izvršenje posla u iznosu od 10% od vrijednosti ugovora. Rok za dostavljanje garancije je 10 dana od dana potpisivanja Ugovora.

ROK ISPORUKE

Član 5.

Rok isporuke rezervnih dijelova iz člana 1. Ugovora je sedam (7) dana od dana dostavljanja narudžbenice, fco skladište Kupca. Kupac ovlašćuje Prodavca da robu šalje dogovorenim transportnim sredstvima.

Vršenje isporuke robe u se vrši u jasno definisanom roku od po zaprimanju pismenog zahtjeva ili narudžbe ugovornog organa.

U slučaju kašnjenja u isporuci robe do kojeg je došlo krivicom odabranog ponuđača, isti će platiti ugovornu kaznu u skladu sa Zakonom o obligacionim odnosima u iznosu od 1% od vrijednosti roba za svaki dan kašnjenja do urednog ispunjenja, s tim da ukupan iznos ugovorene kazne ne može prijeći 10% od ukupno ugovorene vrijednosti koja je predmet narudžbe. Odabrani ponuđač je dužan platiti ugovorenu kaznu u roku od 7 (sedam) dana od dana prijema zahtjeva za plaćanje od ugovornog organa.

Ugovorni organ neće naplatiti ugovorenu kaznu ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje izabrani ponuđač nije mogao uticati niti ih predvidjeti.

NAČIN PLAĆANJA

Član 6.

Obaveza plaćanja nastaje danom fakturisanja od strane Prodavca. Faktura mora da sadrži broj Ugovora.

Član 7.

Prodavac izdaje fakturu čiji je prilog otpremnica potpisana od strane ovlaštenog predstavnika Prodavca i Kupca.

Plaćanje se vrši u roku od 90 dana, od dana isporuke robe, na transakcijski račun Prodavca.

KVANTITATIVNI I KVALITATIVNI PRIJEM I REKLAMACIJA

Član 8.

Kupac se obavezuje da će dostaviti katalog za rezervne dijelove – sistem koji omogućava pristup kataloškim brojevima sa odgovarajućim vremenskim izmjenama update – ima zbog dodatnih informacija o izmjeni podataka za rezervne dijelove.

Član 9.

Kvantitativni prijem roba Kupac vrši prilikom preuzimanja istih, u svom skladištu.

Reklamacije na vrstu robe, Kupac će dostaviti u obliku Komisijskog zapisnika o prijemu robe, u roku od 5 (pet) dana, od dana prijema robe.

Prodavac je dužan da po prijemu zapisnika neodgovarajućih roba, iste povuče od Kupca.

Reklamaciju na kvalitet Kupac će dostaviti u roku od 5 (pet) dana o saznanju da roba ne odgovara kvalitetu. U tom slučaju Kupac i Prodavac će sačiniti zajednički zapisnik o kakvim nedostacima se radi i predložiti način otklanjanja.

ANTIKORUPCIONA KLAUZULA

Član 10.

Ugovorne stranke se izričito obavezuju da će se u izvršavanju poslova po ovom ugovoru izričito suzdržati od bilo kakvih radnji koje bi imale znakove koruptivnog postupanja.

Ugovorne strane se obavezuju da neće dati, obećati ili prihvatiti bilo kakav poklon ili isplatu u novcu ili nekom drugom vrijednom predmetu, posredno ili neposredno jedna drugoj, putem bilo kog službenika ili drugog zaposlenog u jednoj od ugovornih stranaka ili drugom preduzeću (službi, odjeljenju, agenciji), odnosno bilo kog lica sa svrhom podmićivanja da bi tako naveli nekog službenika ili drugog zaposlenog ili stranku na zloupotrebu svog položaja tako da bi time stekao, zadržao ili usmjerio

poslove ka Kupcu, zastupniku, distributeru, preduzeću ili drugom povezanom preduzeću.

U slučaju izvršenja ili pokušaja izvršenja radnje iz prethodnog pasusa, već sklopljeni ili važeći ugovor je ništavan, a ako ugovor još nije važeći, računa se da ugovor nije ni bio sklopljen.

IZMJENE I DOPUNE

Član 11.

Izmjene i dopune ovog ugovora mogu se vršiti samo pismenim putem. Naknadni aneksi i protokoli mogu mjenjati ili dopunjavati ovaj ugovor pod uslovom da su ga potpisali ovlašteni predstavnici ugovorenih strana.

SPOROVI

Član 12.

Eventualne sporove koji bi mogli nastati iz ovog ugovora, Ugovorene strane će pokušati da riješe sporazumno.

Ukoliko ugovorene strane ne postignu sporazumno rješenje, za nastale sporove nadležan je sud u Sarajevu.

RASKID UGOVORA

Član 13.

Otkaz ovog Ugovora daje se preporučenim pismom, a ugovor se može raskinuti sa otkaznim rokom od 30 dana. U slučaju raskida ugovora, ugovorne strane će izmiriti sve svoje obaveze nastale do dana raskida Ugovora.

Ukoliko dođe do raskida ugovora prije isteka njegovog važenja iz člana 14. Ugovorni organ će aktivirati bankarsku garanciju na iznos naveden u članu 4. ovog Ugovora.

Član 14.

Sastavni dio ovog Ugovora je Ponuda broj 6013-01-VI/19 od 13.06.2019. godine.

Član 15.

Ovaj Ugovor stupa na snagu kada ga potpišu obje ugovorne strane i traje do 11.11.2020. godine ili do datuma izvršenja obaveza koje su predmet Ugovora.

ZAVRŠNE ODREDBE

Član 16.

Ugovor je sačinjen u šest (6) istovjetnih primjerka, 4 (četiri) za Kupca, a 2 (dva) za Prodavca.

ZA "AUTOELEKTRA" doo
Direktor

Dalila Sarajlić

ZA KJKP "RAD" doo
v.d. Direktor

Vera Arnautović, dipl. pravnik

SUPOTPISNIK UGOVORA
Predsjednik Nadzornog odbora

Adi Škaljić, bakalaureat prava

Broj: 05-03-04- /19
Datum: 11.11.2019. godine